

## Raipolis draudzes prīstera Ontona Lazdāna pīmiņai

Dubencā, vacā zemņiku sātā  
Storp brōļim un mōsom šiupeleits kōrts.  
Kristeits Vōrkovas bazneicā svātā,  
Īlykts svātō Ontona vōrds.

Ērģeļu skaņas vilņoj kai jiura,  
Dzidri oltora zvaneņi skaņ...  
Bierneiba, jauneiba – soldona, syura,  
Sirds aicynōjums Tev dvēselī skaņ.

Kara dzeņi krystus tik kola,  
Nazynōji, vai dzeivōsi reit,  
Bādu un osoru jyura bez gola,  
Bet dvēselī dabasu cereiba speid.

Myužā leidz pensejai – skūla un bārni,  
Bolss nu augstumim aicynoj, sauc –  
Ir jōnūmozgoj nu dvēselis sōrņi,  
Prīsters Ontons uz Raipoli brauc.

Raipolis bazneica sgrautu jumtu.  
Vysu bazneicu remontēt steidz,  
Nava laika, lai bādōtu, skumtu,  
Kai mōte bārnus jei sagaida, sveic.

Kotrs cylvāks ar cylvāka grākim  
Īt leikumu leikumim, moldās, bet Īt  
Kūpā ar Dīvu, ar dabasu spākim,  
Leidz myuža golam dvēsele zīd.

Dīva dōrzā strōdoj daudzi,  
Tovs myuža dorbs ir pateikams, gleits,  
Vairōk kai divdesmit godus ar draudzi  
Tova myuža dorbs ir vainogūs veits.

Zynōji, sauleite nūrītēs dreīži,  
Ar pādējim spēkim gribieji spiet,  
Prōtā Tev nabeja atpyutas breīži,  
Vēļ sovā teirumā gribieji siet.

Nūryma sirds un palyka klusa,  
Dīva dōrzā zemeite segs,  
Dabasu gaisma un myužeigō dusa  
Uz kopa pīmiņas sveceitis degs.